

Lebrydowski Michael
Palatinus Cracoviensis

Bocianowski Stanislas Jos. Vexillum immorta-
lis glorie?

PANEG. et VITAE

Polon. Fol.

N. 1755.



VEXILLVM *23 tra*
IMMORTALIS GLORIÆ,

Ad perennem Sepulchralium honorum Aram,

Illustrissimi olim, & Magnifici Domini,

D. MICHAELIS

DE ZEBRZYDOVICE,

ZEBRZYDOWSKI,

PALATINI Crac:, Generalis Minoris
Poloniæ, Cracouiensis, Lanckoroñ:

CAPITANEI,

DVM

*In auito, Zebrzydovianæ pietatis, Monumento, in Ecclesia
FF. Minor: de Obseruantia, Celeberrimi Montis Caluarie,
piis eiusdem manibus, Iusta Funeralia, magno omnium
dolore, posthumoq; obsequio persoluerentur;*

Debito, in amplissimum Mecænatem, pietatis affectu,

A

M. STANISLAW IOSEPHO BIEZANOWSKI,

Leopol: In Alma Vniuersitate Cracouiensi Collega Minore,
Ordinario Poëseos Professore,

Inter Gentilitia, vexilli ZEBRZYDOVIANI, decora,

Appensum.

Anno Verbi Incarnati 1667. Die 12. Maij.

C R A C O V I Æ,


In Officina Hæredum Francisci Cezarij S. R. M. Typogr.

In Antiquissimum Illustris: Domûs
Z E B R Z Y D O V I A N Æ,
GENTILITIVM INSIGNE.




BIBLIOTH. UNIV.

 JAGELLONICAE

22001 

Martia dum caderent, infesto Signa Gradiuo,
 Confusasq; acies, sterneret hostis atrox;
 Pro Patria, atque Deo, certantibus adfuit; & mox
 Vexillum pietas, protulit ipsa suum:
 Hac duce, collectis redijt victoria signis;
 Deque triumphanti, rapta trophæa manu,
 Nempe sub insigni, Signo pietatis; in hostes
 Militat, & vincit, Victor vbique Deus.



V E X I L L I

IMMORTALIS GLORIÆ,

INSIGNE PRIMVM,

GENTILITIVS

ILLVSTRISSIMÆ DOMVS

ZEBRZYDOVIANÆ

S P L E N D O R.

Vetusti, ab aureo ævo, Sanguinis propaginem, ducere;
Immortalitatis quædam, inter mortales, siue umbra, siue rimula est.

Inimicum naturæ, desinere;

Patimur quidem; sed non sine naturæ vadimonio;

Cùm cedimus; sed succedentibus:

Adeòq; non desijt, cuius vestigia teruntur; sed præterijt.

Aliud nimirum est in via, vitæque currentes, trudere; aliud sequi;

Hoc sanguinis, fortunæ illud.

Non eripit stadium præcurrentibus, qui continuat:

Quæ in occasum, mox oritura flectit, nec præcipitat Sidera Cælum,

V I R T V S Q V I D E M,

Stemmata, in censu gloriæ, non computat; sed exempla:

Securius tamen incedit, si Theseos, Herculesq; sequatur.

Inde,

Seculorum omnium cura hæc;

Prodire velle, ex antiquissimis.

Aliud tamen hic ambitio; aliud vera gloria quarit:

Illa, vt maiestati, à longè maior sit reuerentia;

hæc, vt maior virtuti.

Vetustatis certè reuerentia omnis, Sacra est;

Habentq; suum, Sibillæ folia; etiam cum non respondent, oraculum.

Macedo quidem, ridiculè

Memoriam Patris, in Ioue Hammonio amisit;

Memoriam hominis, Caius sceleratius exuit;

Tolerabilior ille;

Qui generis propaginem; quam qui retulit, inter Deos seipsum.
Profuit multis, ab immemorabili æuo, Sanguinis memoriã petere;
Sed maiorem plures, obliuioni egerunt gratiam;

Quæ, dum primos sepelit, extulit vniuersos.
Laborauerint tamen quantumcunq; , in prerogatiuam Sanguinis;
Vt Sacram, ex antiquitate facerent;

Qui loui quoq; vagienti, ministerium in cunis fecerant:
Nemo tamen piaculum commiserit;
Si tanum a tergo, quem nulla Ciconia pinxit;
Vtrinque illis prouideat.

Dodoneam certè quercum, ductamq; ex auro Saturni ætatem;
Vt sua in venerationem antiquitas, transtulit; ita fidē, non extorsit;
Nisi quis residuam, ex aurea bora momensis, simbriam viderit.

TIBI NIHIL OMNIS,
Illustrissima Domus ZEBRZYDOVIA,

Æquè Sacra, vt antiqua, originis authoritas est.
Corniculatas quidem, in fibulis Lunas, non intueris;
Maioresq; tuos, nubibus non abscondis; vt Diuos facias,

Diuinum tamen aliquid,

Sumpto ab aris, contra hostes, victoriæ signo;

Pro aris & focus, strenuè semper decertatura, ostendisti,

Nunquam fortuna, audaces, contra fortunam, iuuit felicius;

Quam cum, sub Boleslao Audace, Raduani signum secuta;

Triumphatas post casum, victori manus, & manubias dedit.

Prophanum sub hoc signo Martem,
Nemo amplius dixerit;

Didicit tandem, religiosius sub hoc signo pugnare,

Vincereq; gloriosius:

Nec deesse virtuti modum, ad fortunam; si fortuna conciderit.

Nouum putabat Roxolanus, Raduani Exercitum;

Vbi nouum, in militia, pietatis signum, conspexit:

In hac certè Domo perpetuum;

Quæ non Aquilas, leonesq; nec cristatos Triptolemi angues;
Sed mansuetum, victoris de tribu Iuda, symbolum respicit.

Salue igitur,

A tantis initiis, Magna Heroum propago.

Dixerim te, sub vexillo Ecclesiæ,

Iura-

Iuratam contra barbaros manum;
Nisi contra Stygem etiam, sub pietatis signo, coniuresses.

Victorias à Domo Domini auspicata,
Non tantum contra tenebriones fidei; sed contra tenebrarum quod, potestates,
animosior prodijsti.

Militans pro Deo, cum ex æde sacra, in aciem exiueris;
In ædem sacram, nunquam nisi triumphans intrasti,
Victrix in acie, constans in fide.

Impleuerint alij Capitolia spolijs, orbem terrarum deprædati:

Trophæis Tu, & manubijs templa:

Ibi effusissimâ largitione insignis;

Vnde signo dato, in orbis gloriam, prodieras.

Sed ô felicem

In prodiga pietate iacturam—!

Nemo Euclionum, rem suam auxit lucrosius;

Quam qui piè decoxit.

Aureo cælitus imbre, sacundari, si vis; tu nubes collige.

Sacra hæc procella, in manu tua est; nisi arefcere malueris.

Hoc unum certamen cum superis,

Nec Titanas facit; nec Ioui fulmen excutit;

Pelion & Ossam in Cælum, aurei pietatis montes congerunt.

Diuinum hoc, æmulationis cum cælitibus genus,

Quantum in Raduancam Domum contulerit, sæcula loquentur.

Perpetua hîc agi Olympia crederes;

Ita nemo non ad summam honoris metam, coronatus processit.

Regum proinde in amoribus habiti,

Chrobrio, Audaci, Crispo, Boleslais,

Vel Cancellarij, vel Magistri militiæ,

Magnæ fortunæ, non tam Comites, quam capaces fuere.

Masculam in ijs indolem, fideiq; orthodoxæ amicam;

Amica veræ fidei & fortitudinis Sedes, Masouia dilexit;

Dum Marschalcos Ducum suorum, & Cancellarios vidit:

Quin & Triumphatores, in GOTARDO;

Cui In Iazuingas, tantum licuit; quantum Herculi in Hydram.

Maecte animo,

Noue Sarmatarum Scipio?

Carthaginem hanc, vt excindas; septem tibi Colla submisit.

Decuit sanè,

Sub pietatis signo, vinculam impietatem duci, teneriq;

Quæ septem Ducum capita, CONRADO Mazouia Duc,

Ex lazingis captiua deduxit;
Vt capitale fieret amplius; sub Ecclesiæ signo,
Hostes Ecclesiæ non Vincere.

Tot inter Trophæa nate,
VILHELME comes, in Brody, & **ZEBRZIDOVICE**,
Quem te fuisse dixerim.

Repere alis in purpura, honoris irritamentum:
Tibi inter Laureas nasci, Victoriarum stimulus fuit.
A tanto ZEBRZYDOVIANAM stirpem nomine;
In tantum prouchi decus oportuit:

Cui, quantumcunq; deriuatum sit; eadem ubiq; plenitudo gloriæ mansit.
Fontem nimirum lucis, nunquam diuiseris,
Quantumuis in radios erumpat;
Sequitur eum, sua ubiq; claritas; tum vel maximè collecta;
Cum se alijs quoq; communicat.

Ergo,
Deductus à VILHELMO, in FABIANVM ZEBRZYDOVIVM,
Virtutis & gloriæ Splendor,
Effudit se, in IOANNE, & NICOLAO filijs,
Tantò conspectior; quantò in posteris maior.

Quod si,
Magnarum mentium lucem, nemo vno ambitu teneat;
ALBERTVM certè ZEBRZYDOVIVM,
Vel sola Filiorum corona, cum ambit;
Ambiguum reddit, fontemne, lucis coronet, an contineat;
Ingens Parentis gloria,
Circumdari à filijs; qui lucem non dissipent, sed augeant:
Nec tam scintillare, in summo velint, quam lucere.

Egit hoc, in Cathedra Pontificia,
Thiarâ suâ maior,
ANDREAS ZEBRZYDOWSKI, Episcopus Cracouiensis,
Pontificum eâ tempestate sydus;

Quâ stellæ Cæli ceciderant, Virtutesq; in fide, motæ sunt.
Adussit Hæresim, lucerna hac ardens & lucens;
Confuditq; Prôphetas Baal; igne, quo frigidam in Polonia,
Fidem & pietatem accenderat.

Magnus coram Imperatore Ferdinando Cyneas;
Sed maior, in subruendis firmatæ Hæreseos moenibus,
POLIORCETES.

Docuit, sub Vexillo ZEBRZYDOWIANO, Castra Dei,

Et mi.

Et militiam esse.

Certauere proinde, in sacro capite, quatuor Thiararum Coronæ;

Ceu pares singula non essent; quæ maiorem cunctis,

Z E B R Z Y D O V I I animum coronarent.

Hæreseos certè, tùm vel maximè, corona cecidit;

Amisitq; Encelados suos, contra Vaticanum fidei solium insurgentes;

Pubesq; Titania iacet hucusq; Augustanam frustra commouens Æthnam;

Vel solà, Z E B R Z Y D O V I I Prasulis, augustà pro Deo virtute oppressa.

Heroica Fatrum nomina, decoraq; quid requiram?

Si hæc à Pontificis manu.

B A R T H O L O M Æ O Z E B R Z Y D O W S K I Palatino Brestensi,

Vel solus ad gloriam, Magnus contra Moschos bellator,

A N D R E A S Filius sufficit.

Orbis theatrum, ad censuram virtutis non exigit;

Quem Stephanus Bathoreus, Regum & Heroum amissis,

Parem nomini Heroem censuit.

Sed nec tibi sella curulis,

G A S P A R Z E B R Z Y D O W S K I, Palatine Calisensis,

Abfq; decursu gloriæ venit.

Quicuisse, sub expanso Vexillo, nemini licuit:

Signum hoc, ad merita, quem prouocat, vrget;

Adeoq; Cessatores exauthoratos vult;

Vt nisi fuso pro Patria sanguine, sudoreq; sanguineo, purpurescat;

Ad honoris purpuram omnem,

Z E B R Z Y D O V I V S erubescat Sanguis.

V E X I L L I

I M M O R T A L I S G L O R I Æ,

I N S I G N E S E C V N D V M,

Deducta ex Atauo, Proauo, Auo, & Parente,

I L L V S T R I S S I M I

P A L A T I N I

G L O R I A.

Vmbras Maiorum,

Quod è longinquo deducam;

Sepulchralium honorum, lex est.

Altè moerentium noctis Pharus, ab hac nonnisi luce:
Vnumq; hoc Sepulchrale decus est; quod sepelire nefas,
Atria maiorum, in vestibulo mortis assurgunt;
Impudensq; alias hoc vnum reueretur, ne maiores ex umbris faciat.

Semper tamen,

Maiores in occasu umbræ prodeunt:

Amisâq; non nisi vitæ imagine constat; stetit inter maiorum imagines.

Simulacra hæc; nisi orbis haberet;

Præcessisse aliquando magnos, transisseq; in maiores, quis crederet?

Parcite igitur Magni Heroum Manes;

Si post tot sæcula, quieti vestræ non parcitur.

Libet enim vobiscum agere;

Cum ad mortis scenam, alterius vitæ ostium, venimus.

Certè, legitur in exanimi vultu vestro; quod viuentes animat,

Spirantesq; adhuc, in simulacris vestris intueor;

Quorum portio nobilior, spiritus est?

Distare sæculis viuentes, mortuosq;, cum necesse sit;

In simulacris vestris id agitur;

Ne, cum distemus à luce; etiam in umbras non incurramus.

Quidni ex immortalis respirio, IOANNES Zebrzydowski, Castell. Oswieciñ,

Illustrissimi, quem lachrymis prosequimur, Palatini,

Felix Ataus, spirans adhuc prodeat?

A quo, tantum animi, in posteros transfusum est;

Quantum nonnisi, à maximo virtutis Heroica spiraculo, transfundi potuit.

Crediderim ego, pectus illud,

Non leui quidem succino, sed Magneti simillimum
Masculam, ad ferreum Martis opus, virtutem vel à longè spirasse;

Cum in,

Florianum Zebrzydowski Castellatum Lublinensem,

Suamne, dicam, an Martis genuinam Sobolem,

Tantum ad res bellicas spiritum effuderit.

Assurgant nomini huic,

Achilles, Epaminonda, Hectoresq;.

Effataq; licet sæcula, necdum tamen Heroas parere descisse, gaudeant.

Militare Floriano nomen, ex destinato venisse;

Felices pugnae, & victoriae, probant;

Sola Moschua ingemiscit.

Præfectus Exercituum ad Castrum Neuell

Implacabile gentis odium; quadraginta millium cæde victimisq; placauit.

Nunquam ad prætereuntes Heroas, verustas religiosius siluit,

Quam

Quàm tùm Moschua ad Floriani occursum;
Nec tam Martis, quam Olympicos agiltudos putasses;
Adeò ne Musca quidem apparuit.

Quis credidisset?

Minotaurum illum, tanta mole, ab vna manu casurum,
Nec suo etiam, ad quem confugerat, labyrintho defensum.

Stabit super hanc molem,

Trophæum ZEBRZYDOVIANVM, æternâ mole erectum;
Imponetq; silentium, frementibus Moschorum animis;
Quorum vim imbellem condemnat.

Tantus in Floriano,

Magno, Illustris: PALATINI nostri Proauo,

Immortalis gloriæ flos;

Qui ut tot, in posteris Heroum Capita, coronaret;

In tantum efflorescere debuit;

Seruauit tamen filio, maius aliquid,

Vt constaret;

Zebrzydouios, dum alijs, in Summo constitisse visi sunt;
Reliquisse Posteris in fastigio, altiùs ituræ gloriæ locum.

Et processit sanè,

Ad summa omnia natus promotusq;

Summis tamen, quos gessit titulis, & honoribus altior,
NICOLAUS ZEBRZYDOWSKI, PALATINVS Cracouiensis,
Incomparabilis gloriæ, Zebrzydouij nostri Auus.

Similes illi, seculum omne, paucos tulit, feretq;;

In quibus, fortuna & virtus, vires suas expertæ

Parem ex utroq; mensuram gloriæ, adimpleuerint,

Vestigia Patris secutus,

Vltra metas etiam, columnasq; persecutus est;

In acie Mauors, in Senatu Oraculum, in utroq; Cæsar.

Sub Atlante Patriæ,

Serenissimo olim STEPHANO BATHOREO,

Herculeam, in Moscouia virtutem, dum exercet;

Immensum, ad iustentandam Patriæ dignitatem, collegit robur;

Infraçti animi Viro,

Contra Maximilianum Austriæ Archiducem,

Sedes Regni concredita;

Externam, pro Iagelonica Domo, fregit potentiam.

Capitalis ambigentium hostis,
 Certatim collatos honores, ambiuisse visus fuisset;
 Nisi plus in titulos, quam acceperat, honoris;
 Amplitudinis suæ vbique securus, refudisset.
*Generalis primum Minoris Poloniae, Capitaneus Cracouiensis,
 Mox Palatinus Lublinensis, Regia militiae Praefectus,*
 Marschalcus Regni, Palatinus ad extremum Cracouiensis,
 Authoritatem summam in Republica;
 Non collegit per gradus, sed detulit;
*Veterem Poloniae Magnificentiam, vel solus ita sustinens;
 Ut post tot saecula, cum omnia retrò irent;
 Nihil sibi, vel in hoc solo decessisse, confessa sit.*
 Humanæ fortunæ capacissimus,
 Cælestes etiam, in vita fauores, rataq; priuilegia,
 Nouo Palæstinæ in Sarmatia inuento, obtinuit.
*Magnificum viri animum, ipsi etiam dilexerê superi;
 Intentatamq; alijs, felicitis Magnificentiae, suggererunt occasionem;
 In quam se totus, sine inuidia & emulo,
 Profusissimè effunderet.*
*A tot seculis, admiranda terræ portio, vni seruata est;
 In qua se ipsam Hierosolima, in Orbe alio, miraretur.*

Felix ditio,

Quæ sine vestigijs, vestigia Christi recepit;
 Felicitior oculus, qui obseruare potuit;
Felicissimus ZEBRZYDOVII animus,
 Qui visionem hanc grandem, terramq; Sanctam, in qua stetit;
 Magnifico conatu, orbi reuelauit.
 Victoriæ gentium, cum Metelli fortuna, nihil ad hæc;
 Triumpharunt multi in Vita, post obitum nemo.
Trophæa, & Manubias ZEBRZYDOVII, à morte requiris?
Sacrum Caluarie locum, cogitas?
 Vicit hîc se ipsum ZEBRZYDOVIUS, vincitq; Deo perpetim;
Tot Captiuorum millia, inaudito exemplo,
 Sine Catenis, & gemitu; ad Catenas Christi, deuotosq; gemitus trahens.
 Sacram hanc, ZEBRZYDOVII in Cælum viam,
Tot animarum Salus sequitur.
Sufficitq; vel hoc unicum, magnæ stirpi, ad veram gloriam;
 Quod Orbi suffecit ad Salutem, priuilegium.
 Ampla hæc certè, cruentis Christi vestigijs, donata hæreditas, fecit.
Ut in vestigijs, vera virtutis & gloria, verus prodiret hæres,
 IOANNES ZEBRZYDOWSKI Enifer, Regni.
 Dignus tanto Parente Filius;

Excitari ad virtutem, ignavis relinquit;
Ipse ad exemplar paternum, sponte alijs in exemplum, vivere cepit;
Maiores imagines, identidem respiciens;
Vt in seriem eorum venire posset;
Heroica facta serio meditatus, tempestiuè exorsus est.

Vibius Olim Acceus,

Pelignæ cohortis, ad Capuam præfectus,

Vexillum trans vallum Punicum,

Vt inuicta militum virtute reciperetur, misit.

Dixisses, idem à Magno IOANNIS Patre factum,

Ita in bellis, Moschouitico, Valachico, Prussico,

Militari gloriæ, totus incubuit Filius;

Ceu hereditaria, Vexilli ZEBRZTDOVIANI, gloriâ ut potiretur, adiuratus fuisset;

Nunquam deinceps,

Vexillum suum, fortunæ manibus credidit,

Hostili semper extorsit.

Pro Deo & Patria, præferre signa maluit, quam expectare;

Ad signum quoq; pacis publicæ electus,

Coronam, Serenissimo Vladislao Quarto ut pacatam seruaret;

Pacem publicam seruauit.

Tribunal etiam iustitiæ,

Quod Tribunalitiorum Regni Iudiciorum Marschalcus, ante insiderat;

Regum quoq; Tribunali vacante,

Regio animo, & Virtute tenuit.

Magni sanguinis, dum continuat splendorem;

Continuauit quoq; in rebus pietatis, magnificentiam;

In celeberrimo Caluariæ loco,

Felix Parentis exemplo, imitatione felicior;

In Domo Domini Salomonis felicitatem, consecutus est;

Sumptuosissimis operibus;

In via vitæ, tabernacula gloriæ struxit.

Ceu hoc vnum pietatis negotium, ita ageret;

Vt dum Vexilla Regis Regum, triumphali pietate prodeunt;

Crucis, in Vexillo ZEBRZYDOVIANO, mysterium æternum refulgeat.

Sola hæc humanâ maior felicitas;

Posse aliquid ex Deo, quod ipse acceptet, rependatq;

Et rependit sanè in filijs;

Quod coronaturus olim in Patre fuerat;

Dum

Pro erecto, in Sacris Caluariæ locis, Christi patientis Vexillo;

Dedit geminos Vexilli ZEBRZYDOVIANI hæredes;

Arcano nominum sensu, Exercituum Dominis dilectos;
Alterum militiæ Cælestis classico, quis ut DEVS?
Seraphico alterum crucis Vexillo insignem,

MICHAELEM & FRANCISCVM.

V E X I L L I

IMMORTALIS GLORIÆ,
INSIGNE TERTIVM,

ILLVSTRISSIMI

PALATINI,

Propria vitæ & meritorum Decora.

Hactenus ad splendorem ZEBRZYDOWII Sanguinis,

Vmbus sepulchralibus, vacare non licuit.

Continuit admiratio dolorem, repressitq; lachrymas;

Nec in tanti luminis & gloriæ sudor; procellosis nubibus locus supererat.

Sed Eheu!

Grauiores diuturna serenitas, colligit nubes;

Sæuitq; atrocius, mota ex tranquillo tempestas; quæ formidolosius siluit.

Respexisse ad tot heroum lumina,

Crudelius ipso dolore doloris solatium;

Infelicesq;, cum omnia amiserint; nihil enecat magis;

Quam habuisse.

Quidquid in ZEBRZYDOVIIS summum præcesserat;

Ante actorum temporum felicitate memoriâ, non reficit; sed irritat.

Nimirum,

Alienam spectando felicitatem;

Tempus vt in ludo fallimus; nisi teneamus propriam.

Dispendium tamen hoc,

Ingenti compendio supplebat, dum vixit;

ZEBRZYDOVII Sanguinis, vnio & Compendium,

Illustriss. Olim & Mag. Dominus MICHAEL de ZEBRZYDOVICE,

ZEBRZYDOWSKI, Palatinus, & Capitaneus Cracouiensis.

Maiorum gloriæ, Maximus sic erat titulus;

In quo se, omnis illa titularum series, vel collegit, vel absoluit.

Lacturam tot ætatum, virorumq;;

In summo Viri pretio, ætas præsens non sensit;

Laborassetq; graui inuidiæ suspicione, aureum illud Poloniæ seculum;

Nisi pignus hoc præsentibus reliquisset?

Vnicâ

Vnicâ tamen basi hâc,

Augustum tanti sanguinis decus; ingenti quidem gloriâ;
Sed non minori, incomparabilis iactura, metu, constitit.

Super Atlantem hunc,

Quanti vetustæ Familiæ Orbis, Orbem suum fecerint; inquiris?

Quanti cum eo procubuerint, vide.

Non gemit² super hoc bustû; sed fragor; nec loquitur hîc dolor, sed stupet.

Vrنا quidem hæc vnica; funus tamen multiplex:

Vrnas Maiorum replicat, non claudit.

Rationes à nobis posteritas, maximi doloris non exiget;

Si tot in vno dolores rediisse, sibi desuisse exempla, intellexerit.

Intelliges, o quæcunq; deinceps,

Vestigijs nostris immines, ducta è longinquò, Posterorum Series.

Hoc agimus, vt tibi constet;

Vicisse causam doloris, in funere ZEBRZYDOVII, vim omnem dolenitum;

Superesseq; causam doloris semper;

Quæ lachrymas non abstergat nostras; nec contineat tuas.

Quid ita?

Nulla dolorem istum spongia capit; quia nulla refundet.

Occasus iste, quantæ dici, lucem clausurit;

Vel ex hoc crepusculo, æstima.

Auito Sanguini Coronam, & Coronidem daturus;

Quinq; prope seculorum coronamentum, nascens detulit;

Non apes in cunis, aut Seruij Tulli radios;

Sed Tryumphales, sub vexillo ZEBRZYDOVIANO Coronas,

Ad Coronidem gloriæ complexus.

Spectaculum ZEBRZYDOVIO Sanguine, sanè dignissimum;

Trophæum tot manubijs grauidum, ab inualida manu efferri;

Tractariq; nec dum à prætextato; quod Heroûm paludamenta exercuit.

Seruabant adhuc boni superi,

Ingentem Aui, Parentisq; spiritum;

Qui pectusculum illud, magno gloriæ impulsu, præsens ipse animaret.

Inter Anchisem, Æneamq; suum crescenti lulo,

Quanta Indoles; Argumento est;

Quantum illud fuerit, quod ad vnguem expressit,

Æmilius Lepidus,

Romanum, Summæ Indolis specimen.

Prætextatus adhuc, seruauit Ciuem; dum hostem interimit:

Mereriq; potuit, in Capitolio statuum; antequam in vestibulo meritorum stetisset;

Vicit indolem hanc,

Absq; alieno Sanguine inuictus,

Magnus, vno inpectore, Maiorum Sanguinis sui, Ciuiumq; Patriæ Seruator,

ZEBRZYDOWIVS.

*Vno intuitu, omne in eo retrò seculum vidisses;
Tantus in aspectu, vultuq; viua adhuc maiorum, spirantibq; gloriæ vigor.*

Impleuerint multi,

Maiorum simulacris atria, titulis fastos.

Impleuit vultus hic, circumtulitq; omnia;

In cuius speculo, vniuersa maiorum facies, à tot Heroibus conuersa,

Ita resplenduit;

Vt decorum illud, Verecundi Oris velamen;

Ingens animi lux, quoties percussit; Maiorum, unde sumpta est claritudinem,

Vel in vita prodiderit.

Tantâ indole felix;

Primum, qui pietatis censu constat, æterni Numinis cultum,

Vix vllis Præceptis debuit.

Nosse Deum, Ecclesiæ, iussa exequi; sub triumphali Ecclesia, cum didicerit signo;

Fructus hic, sanctiorisq; disciplinæ profectus;

Donum in eo naturæ, videri potuit:

Tam valida sunt, domesticæ pietatis exempla.

Integerrimo pectori,

Prima Sapientia Deus, simulac inhaesit;

Ingenio docili, erectoq; humana etiam facilè accessit.

Cultissimum animum, quem Gratia, iam omnes infederant;

Musæ quoq; non grauatim subintrauere;

Dum florem iuuentutis Polonæ,

In generali Vniuersitatis Cracouiensis Studio,

Flos ipse iuuenum lectissimus, coronaret.

Virtutis pariter, & doctrinæ, insigni profectu,

Curas omnes Præceptorum, sudoresq; absterxit;

Educationis delitium, non cura factus.

Animo nimirum, ad summa omnia nato,

Optima quæq; absq; Magisterio elegit:

Iam tum, in æstu illo ætatis, potens sui, seuerusq; domitor;

Alieni, quo vix indiguit, moniti, exactissimus obseruator.

Non leuem proinde,

Eruditionis praementum, magnâ mentê sectatus;

Constanter in solido stetit.

Ex Academica institutione, Musisq; Patrijs, tantùm referens;

Quantû in eò, cultissimarû Europæ gentiû, admirationi suffecerat.

Orbem peregrinum adiit,

Animo, ad peregrinos mores, inconcussò;

Finesq;

Finemq; Patriæ relinquens; Patriam, masculæ Sarmatarum indolis;

Virtutem non reliquit.

Ad exotici quoq; sermonis elegantiam;

Oris, non animi, idioma flectens;

Linguarum cognitione instructus, prudentiâ instructissimus prodijt.

Orbem tantum, in orbe alieno, dum circumagit;

Intelligentiam, ex se motricem, non ex alieno habuit:

Ostenditq; regimen sui, etiam iuuenibus, ad manum esse.

Si frenum affectuum, in manu mentis sit.

Sub hac, Sparthani in seipsum rigoris, disciplinâ,

Magno prudentiæ censu; sed procul omni Censuræ notâ;

Patriæ suæ redditus;

Non obuiam tantum inuenit; sed anhelantem.

Auxit desiderium, ipsa quæ præuenerat, æstimatio;

Nec iam destinari tantum vota, exoptârunt; sed impleri.

Voto Patriæ publico, quantum responderit,

Sacra Maiestatis responsa, Senatusq; oracula testantur.

Ad inuidendam Orbi,

Diui VLADISLAI Quarti, temporum felicitatem,

Pacatam meritorum fortunam nactus;

In ipsa etiam tranquillitatis publicæ malacia;

Exerceri Polonam virtutem, vidit, sensitq;:

Ceu impotentis animi leuitate, retrò facilè itura,

Artibus suis præluderet fortuna.

Contra hanc, ominosis iam tum præludijs,

Sæuissimæ tempestatis, naufragia parantem;

Fortunarum, Vitæq; prodigis, signa dum promouet;

Incorruptæ fidei Vexillum,

Primum ad vindicias non seruatæ fidei, extulit.

Cosacicam ad Kumeyki, vltus perfidiam;

Scytharum quoq; , Parricidales ad Tehyniam manus;

Dum in principes suos sauiunt; fuso in consinijs Russiæ,

Lustrali sanguine, eluit.

Vasta, proboscidem hanc bellua, dum contrahit;

Irarum dolosos, non extinxit ignes; sed obduxit.

Exasperati animi,

Nec dum curato vulnere, acetum superinfundi, dum non sustinent;

Dyctamum, vnde plaga venerat, quæsiuerunt.

Sed ô remedium, seruilis animi; desperatum!

Fibras suas, per alienum latus petentes;
Dum pro libertate coniurant; iurata Tauricæ mancipia sunt.
Illum hoc, nullo sanguine cum restinguitur;
Nobilissimi Sanguinis diluvia hausit.

Fortunarum quoq; scopulus;
Cam publica Regni fortuna, priuatas quoq; elisit, & absorpsit;
In vastamq; hanc publicæ Calamitatis, voraginem;
Multi Curtij, Decijq; in victimam Salutis missi;
Noua pietatis, in Patriam, absq; exemplo, sulcitarunt exempla.
ZEBRZYDOVIVS in his omnibus, nemini secundus,
Scythica, Cosacicaq; arma, vel in pectore suo hebetare cupiens;
Murum hunc, pro Patria, Spartanum ubiq; opposuit.

Auitas maiorum opes,
Integris legionibus, interdum hausit;
Nunquam libentius, quam in opem patriæ conferens;
Vivere maluit generosius, quam opulenti.
Triumphales, ad Beresteciam, laureas,
Serenissimi IOANNIS CASIMIRI,
Victorioso Capiti relinquens;
Nutantem in Capite Regni fortunam, contra Spartacum Napiersecium,

Defensurus;
Oppressam in herba proditorem, dum reperit;
Felicitati publicæ gratulatus; infelicitati suæ tribuit;
Quod pulcherrimum vtrobiq; opus, fortuna sibi inuidisset;
Maior tamen triumphis omnibus gloria;
Salus publica, dum in puncto vertitur; gloriæ punctum relinquere:
Voraq; Patriæ, sequi potius; quam trahere.

Diligi Patria vult,
Non quod claros faciat; sed quod cara sit:
Zelusq; boni publici, non est; qui theatrum postulat.
Clypeum Sceuæ, centum viginti ictibus lacerum,

Vidit Orbis ad gloriam:
Per quem, videri ipse noluit, ad meritum.
Quæsiuisset alius, tot oculorum spectatores;
Quot in Clypeo, ictuum vestigia;
Suffererat tamen Sceuæ, meruisse.
Atilius manu amputatâ, navem Massiliensium, inter spolia computat;
Tenuitq; gloriam, truncâ etiam manu, quam non ostentauit.
Nec minor, contra motam in Polonos,
Cum Carolo Gustavo, Sueciam;

ZEBRZY-

ZEBRZYDOVII animus.

Fulmen illud cum omnes declinant, nemo auertere satagit;

Discrimen omnium, terrore publico auxit.

Animorum quoq; experimento datum;

Cordatos etiam, sine vestigio, si non occidit; certè adussit.

Interceptâ spe omnium,

Vexillum spei, ad constantiam,

Pro Deo, Patria, & Principe,

ZEBRZYDOVIVS præferens;

Altas Suecorum spes, intercluso præsidij Cracouiensis spiritu,

Valida manu continuit.

Obsidionalem tamen Coronam,

Regali, ex Vrbe Regia, triumpho, fortuna cum seruat;

Transylvanum quoq; ad Manipulum Coronarum, induxit.

Turbinem hunc, vertigo sua, dum agit; præcipitat:

Furiâq; sua, ad infame bustum condemnant, Polonia incendiarium.

In hac fumantis Patriæ Caligine,

Lucida ZEBRZYDOVII fides, & constantia eluxit.

Munimento Patriæ,

Validam Copiarum manum, ære proprio sustinens,

Parcere hic sumptibus; prodere Patriam Censuit.

Nec enim distat,

Violentæne manus inferas, an tenaces remittas?

Si viscera Patriæ, aliena manus euiscerat.

Quæcunq; deinceps, Patriæ facies,

Zebrzydoui idem ubiq; animi vultus.

Heroicumq; animus, coniurata morborum acies, cum inuaderet.

Adfuit præsens ipse, in pectoribus;

Que magno spiritu, sumptuq;, ad salutem publicam animauit.

Ultra Boristhenem etiam, contra Moschos,

Cum Marte Polono, vexilla sua promouens;

Documentum reliquit æternum;

Labante quantumvis, mortali magnæ mentis habitaculo;

Bellicam Zebrzydoui pectoris virtutem,

Etiam inter frâgmenta virium, infractam;

Non querere quidem trophæa; sed mereri.

V E X I L L I
IMMORTALIS GLORIÆ,
INSIGNE QVARTVM,
J L L V S T R I S S I M I
P A L A T I N I,

Heroicæ, & Christianæ Virtutes.

Posthuma Sæcula,

*Quem ab immortalibus animis, sine venia exigunt;
Census hic maximus est; in exemplum vixisse.*

Nomina, Personaq; facile transeunt;

Malè tamen præcessit; in quo melioris æui exempla, periêre.

Fortunæ, tituli, honores,

Durentnè, an euanescent? præsentium cura sit?

Rectè factorum, virtutumq; decora,

Ærarij Posterorum, iurisq; publici sunt.

Nisi sic viuerent, quos sequimur;

Absolueret veneratione Posteros, negligens melioris exempli vetustas.

Cura hæc, ZEBRZYDOWIO Nostro viuenti, maxima;

Mortuo, vita & gloria,

Virtutis in exemplum, vixisse.

Ad Magni sanguinis periodum veniens;

Virtutis etiam decus, in puncto absoluit:

Id demùm verè ZEBRZYDOWIVM ratus, si maximam virtutum,

Et meritorum Coronam, consumaret potius, quam finiret.

Selectissima inter Curas omnes,

Primaq; bonæ menti, intaminata Religio.

In hac quoq; delectare varietatem; phreneticæ impietatis furor est.

Protheos hosce, Vertumnosq;

Implacabili odio persecutus ZEBRZYDOWIVS;

Vnam, Vni DEO, fideiq; mentem, debere voluit;

Apantberis hijce, afflari etiam, surreptitio ciuilis prudentia odore, nolens:

Ne, cum prudentius; quàm religiosius consulitur;

Captiua, in libertate conscientiarum fides, & pietas, gemeret.

Zelum Fidei,

Cleri quoq; reuerentia secuta;

Regali Sacerdotio, obsequentem animum submisit,

Sacrilegum seculi risum;

I Quo ministerium spiritus, in seruis Dei persequitur;
Ceus Stygium, insani pectoris foetum, abominatus, honoris augmento derisit:
Deus quippè in seruis suis, non irridetur.

Seraphica certè, D. FRANCISCI militia;
ZEBRZYDOVIANIS Heroibus, iam olim in delicijs;
Nunquam gloriosius, quàm sub hoc Vexillo triumphauit.

Dilectæ animæ,

Dum angustius, in monte Sancto Caluariæ habitant;
Augustam dilectionis ZEBRZYDOVIANÆ, Magnificentiam fecerunt;

Non poterat, cor amore dilatatum,

Minores pati sedibus; quos affectu maximos;

Veræ in Obseruantes pietatis obseruantia, æstimauit.

Lachrymas proinde Tuas, quibus depluis;

Sacra terrestris Seraphini Familia, non demiror.

Oculi huius pupilla cum fueris;

Iam propè inter pupillos, & orphanos transieras;

Nisi orbitatem Tuam, materno sinu exciperet;

Pietatis, misericordiæ, charitatisq; visceribus, affluens;

Vera & genuina Mater,

Illustrißima, & Magnifica Domina,

M A R I A N N A

De Zmigrod, Zebrzydouia,

PALATINA CRACOVIENSIS.

hac tibi, à STADNICIANO Flumine, Ciuitatem De i latificans, pietatis impetus;

A mitrato verò,

Illustriß: Principis CZARTORISCHII Equite,

Præsidium & Corona;

Capitis Tui Corona, cum cecidit,

Z E B R Z Y D O V I V S.

Spineum ille Christi Caput, coronauit in Monte Caluaria Rosis;

Dum splendidissimi operis Sacellum, Magnæ DEI MATRI Virgini,

Maximis sumptibus, à fundamentis erigens;

In via doloris, nouo amoris inuento,

Filium in Matre Coronauit.

Zelo fidei, pietatisq; tam insignis;

Pietate in Patriam, vinci noluit.

Opes, Sanguinem, vitam,

Periculis, in periculorum Patriæ remedia, obijciens;

Nunquam securior; quam cum sic periclitatur, viuere voluit.

In turbido tamen piscari,
Priuatifq; commodis, amorem boni publici prætere;
Sæuum Pseudopoliticæ arcanum exosus;
Maluit ratam, ex publico gratiam; quam extortam.
Quidquid proinde splendoris, vel Magnificentia, in publicum contulit;
Donauit Patriæ, sine æstimatione, censuq;
Heroica Viri magnanimitas,
Gaudebat, meritorum in Patria theatro, non plausu;
Maximis impendijs, vel hoc vnum rata sufficere; quod fecisset.
Summis quibusq; in Repub: muneribus par,
Animo prudens, consilio promptus, iudicio summus, ore disertus,
Officium Patriæ non quæsiuit; sed vbique præstitit.
Cum honoribus, dum vltro veniunt, diu luctatus;
Summâ animi moderatione, altiores dum refugit;

Peruenit ad summos.
Animo semper æquabili,
Fortuna, cum nihil unquam deberet; nihil ei detulit.
In summa Nobilissimi sanguinis, honorum, & fortunarum amplitudine;
Solam hanc felicitatem, in summo computans;
Quod incrementa sua, quibus augeri non potuit, deriuando in alios;
Infelicitatem alienam, in summa fortuna, felicem redderet.
Clientum obsequia, cultumq; ita retinuit;
Vt magnæ menti, occasio beneficiorum, nunquam deesset.
Meritis beneficia superessent.
Verecundiam proinde alienam, vt præueniret;
Pudibundè verentibus, dulce amoris inuitamentum,
Suauissimâ humanitate prouidit.
Aditu non difficili, facilitatem promittens summam;
Fiduciæ Arrham, tesseramq; comitatem, in vestibulo posuit.

Liquefcit hucusq; animus,
Recordatione illâ; quam sibi eternum obligauit;
Cum trepidantium animos, miro comitatis artificio firmans;
Non rogari voluit; sed requiri;
Ceu depositum redderet alienum, non gratiam faceret.
Obtestor vos animi omnes!
Apud quos, tam insignis gratia, nec dum gratiam perdidit;
Quomodo sensus vestros, in Vultu etiam ipso legerit;
Et quam magnificè interpretatus sit; vobiscum expendite.
Perspicacissimam certè magnæ mentis vim, non eò intendit;
Vt erumpentes animorum in vultu notas, ad simulationis profectum legeret;
Sed

Sed ut interceptam, modestiâ, vel metu, pectorum vocem;

Etiam cum elicere non posset;

Audire se, & intelligere ostenderet.

Secretum idioma mentium,

Ad beneficium & gratiam, sic intelligens;

Secretius quoq; , quo Deus animæ loquitur; conscientiæ idioma,

Ad compunctionis gratiam intellexit.

Ad negotium celeste, ab humanis, dum reducitur;

Vires Corporis, ad animi vigorem, transferri sensit;

Vocantiq; Deo, ad secessum cordis, oblatione spontaneâ obediuit.

Sub nube illa diuturnæ ægritudinis,

Serenum animi diem, meliori luce retinens;

Tum demum, cum oculis humanis, defecisse visus est;

Splendidissimâ, in oculis Dei, facie luxit.

Ad Coronam patientiæ, Regiam dolorum viam nactus;

ZEBRZYDOVIANÆ stirpi conuenientissimam censuit;

Quæ viam dolorum Christi, in monte Caluariæ, tanto impendio expressit.

Mira animi Constantia, roburq; ;

Tot per annos, validis morborum ictibus, non tangi, nedum concuti;

Patiendiq; , in ipso patientiæ theatro, occasiones quærere.

Trophæum hoc Vexilli **ZEBRZYDOVIANI**, maximum;

Perpetuæ sui ipsius Victoriæ, trophæa mereri, ostentare nulla.

Hoc egisti, ô felix anima!

Cum, ceu nihil ageres; ad palmam felicitis Victoriæ decurrens;

Metam, & si gradum non promouisses, tenuisti.

Mori sanè, in lucro tibi fuit;

Quia cum te in Patientia Vitæ, possedisset **ZEBRZYDOVIVS**

Exitum Vitæ in lucro computauit.

Ostium hoc immortalitatis;

absolutum legibus humanis animum, dum recepit;

completum, in summo, magni sanguinis, Atrium

C L A V S I T.

Sed ô

Sacri, Victuriæ gloriæ postes,

Quid agitis?

Repagula Vestra, quidquid in **ZEBRZYDOVLO** clausierint;

E

Posteri-

Posteritatis hæreditas est.
Spiritus vitæ, auferre licuit; non spiraculum gloriæ.
Hæc animâ viuet,
Cui non tumulum ponimus; sed VEXILLVM;
Vt in Trophæo suo;
Qui maiorum Trophæa meritaq; conclusit;
Viuet;
Si non vltimus; certè summus,
ZE BRZYDOVII SANGVINIS.
P H O E N I X.



2. XII. 1747.

